

Zbirka medijskih objava

Vlada Brčko Distrikta_kliping_dnevno,
za razdoblje 3. 7. 2022

Broj objava: 2

Internet: 2

Teme praćenja:

Vlada Brčko Distrikta: 0

Gradonačelnik: 0

Skupština Brčko: 0

Brčko: 2

Brčko:

Internet	Naslov	Gračani u BiH se ne žale na rast cijena, zaprimljeno manje od 10 prijava		
Serijski br. 1	Medij; Doseg	Klix.ba; , Bosna i Hercegovina		
	Rubrika, Datum	Ostalo; 2. 7. 2022		
	Autor	FENA		
	Teme	Brčko		

Internet	Naslov	Stranka za BiH utvrdila kandidatske liste za izbore, Efendić nosilac u Sarajevu		
Serijski br. 2	Medij; Doseg	Klix.ba; , Bosna i Hercegovina		
	Rubrika, Datum	Ostalo; 2. 7. 2022		
	Autor	D. B. E.		
	Teme	Brčko		



Građani u BiH se ne žale na rast cijena, zaprimljeno manje od 10 prijava

Institucija ombudsmana za zaštitu potrošača u BiH u ovoj je godini zaprimila preko 400 različitih žalbi potrošača, no iznenađujuće mali broj njih odnosio se na porast cijena u trgovinama i na benzinskim pumpama, rečeno je Feni iz te institucije.

U najvećoj mjeri žalbe su se odnosile na sektor usluga od općeg ekonomskog interesa (opskrba energijom, voda, telekomunikacije), sektor usluga u trgovini (roba s nedostatkom, garantnim rokovima), sektor turizma (propušteni aranžmani), kažu iz spomenute institucije.

Pritom napominju kako se iznenađujuće mali broj žalbi, ispod 10, odnosio na rast cijena, promjene cijena roba i usluga u trgovinama robe široke potrošnje (prehrana, tekstil) i benzinskih pumpi.

"Žalbe su u koordinaciji s nadležnim entitetskim i županijskim inspektoratima razmatrane i prema istim su rješavani predmeti", navode iz Institucije ombudsmana za zaštitu potrošača u BiH.

Iz te institucije ponovno apeliraju na potrošače da vode računa o različitim cijenama istih ili sličnih proizvoda na različitim prodajnim lokacijama te sukladno tome donose odluke o kupovinama. Uz to, da sve nepravilnosti koje uoče prijave Instituciji ombudsmana ili inspektoratima te da vode računa o budućoj kupovini kod svih onih trgovina kod kojih je uočeno kršenje prava potrošača i "kazne" iste odabirući njihovu konkurenciju.

Također podsjećaju kako su u veljači ove godine donijeli preporuku vladama entiteta i **Brčko** distrikta BiH da u suradnji s nadležnim ministarstvima odnosno odjeljenjima usvoje dodatne mjere neposredne kontrole cijena te da uspostave održive mehanizme robnih rezervi i vrše pojačano ulaganje u razvoj domaće proizvodnje.

Pored navedenog, Institucija je u ovoj godini održala javne konzultacije s inspekcijским tijelima vezanim za online trgovinu kao i sastanak s Federalnom upravom za inspekcijske poslove u cilju ostvarenja kvalitetnije suradnje.



Stranka za BiH utvrdila kandidatske liste za izbore, Efendić nosilac u Sarajevu

Predsjedništvo Stranke za Bosnu i Hercegovinu (SBIH) održalo je sinoć u Sarajevu 9. redovnu sjednicu na kojoj je utvrdilo kandidatske liste za Opće izbore koji će biti održani 2. oktobra 2022. godine.

Sjednica je održana u Centrali Stranke za BiH, kojoj su osim članova Predsjedništva, prisustvovali i predsjednici kantonalnih vijeća.

Na sjednici je analizirana unutarstranačka situacija u pogledu organizacije za oktobarske izbore, a kako je konstatovao predsjednik Stranke za BiH Semir Efendić, pripreme protiču dobro.

Efendić je kazao da očekuje da će SBIH na izborima ostvariti značajne rezultate s obzirom na imena kandidata koja su ponuđena ispred stranke.

Kako navode iz Stranke za BiH, nosioci listi za Parlamentarnu skupštinu Bosne i Hercegovine su: Zlatko Hadžidedić (Kanton Sarajevo i Bosansko podrinjski kanton), Samir Kreso (Hercegovačko neretvanski kanton i Zapadno hercegovački kanton), Sead Selimović (Tuzlanski kanton, Posavki kanton i Brčko distrikt BiH), Hamdija Lipovača (Unsko sanski kanton i Kanton 10) i Zahida Binakaj (Zeničko dobojski kanton i Srednjobosanski kanton).

Za Zastupnički dom Parlamenta Federacije BiH nosioci listi SBIH su: Enes Bajramović (Cazin), prof.dr Esed Karić (Gradačac), mr. Admir Čavalić (Tuzla), Faruz Tulumović (Živinice), Asim Čajlaković (Zenica), Jasmina Knezović (Visoko), Enes Husejnović (Novi Grad Sarajevo), Ramiz Meša (Fojnica), Safet Omerović (Mostar), Almir Bečarević (Centar, Sarajevo) i Nemanja Rodić (Drvar).

Nosioci listi SBIH za skupštine kantona su: Semir Efendić (Kanton Sarajevo), Hasan Handžić (Zeničko dobojski kanton), Mirnes Gušić (Tuzlanski kanton), Adis Bubalo (Hercegovačko neretvanski kanton), Nedžada Tolja (Srednjobosanski kanton), Damir Žuga (Bosansko podrinjski kanton), Nisvet Jusić (Unsko sanski kanton) i Safet Pilić (Kanton 10).